

新都縣志卷四十三

方技志

漢

段翳字元章廣漢新都人也習易經明風角時有就其學者雖未至必豫知其姓名嘗告守津吏曰某日當有諸生二人荷擔問翳舍處者幸為告之後竟如其言又有一生來學積年自謂畧究要術辭歸鄉里翳為合膏藥並以簡書封於筒中告生曰有急發視之生到葭萌與吏爭渡津吏槌破

新都縣志

卷四十三

方技

從者頭生開筒得書言到葭萌與吏鬪頭破者以此膏裏之生用其言創者即愈生歎服乃還卒業翳遂隱居竄跡終於家

後漢書方術傳

郭玉字通直新都人明方術伎妙用針作經方頌說官至太醫丞校尉

華陽國志